

# ABAKWANE

*Qjo nyi ewñ*

**1** Egba abakwane ejodudu Qjo nyi efojale kpai ane-ile. 2 Ane-ile-i la de juguu te ofofo, on ehubi b'uju olulu le ma; Afu Qjo la t'uju omi ale bebebe.

3 On Qjo kakini, Ugane ki domo; tak ugame domo. 4 Qjo la f'ugane le li k'i nyo; tak Qjo f'ugane daru b'echubi te. 5 Qjo la do ugame le ko oroka, echubi i la do ko odu. On ane domo, odudu la domo, ojo ejodudu.

6 Tak Qjo kakini, Agbagba ki te alumeji omi le, k'i f'omiofo daru b'omiofo te. 7 On Qjo f'agbagba che te, i la f'omiofo e-ki d'ogane agbagba le daru b'omiofo e-ki d'ate agbagba le te. Abele i la de. 8 Tak Qjo do agbagba le ko efojale. On ane domo, odudu la domo, ojo ekeji.

9 Tak Qjo kakini, Omiofo ogane efojale ki najeju j'ugbo okate ke, ane egbe ki kwotejugede. Abele i la de. 10 On Qjo do ane egbe le ko ane-ile, ujeju omi i la do ko ohimini abadi. Qjo la li k'i nyo. 11 Tak Qjo kakini. Ane-ile-i ki lu ije, kpai efimi k'i aro ulu-wñ, kpai oli ki aro ego uche ola-wñ, e-k'eyo-wñ d'ef uwñ, ane-ile. Abele i la de. 12 Tak ane-ile lu ije, onw ch'eñmi ki aro ulu ego uche ola-wñ, kpai oli ki aro k'eyo d'ef ero-wñ ego uche ola-wñ. Qjo la li k'i nyo. 13 On ane domo, odudu la domo, ojo eketa.

14 Tak Qjo kakini, Emu ki j'agbagba efojale, ki f'oroka daru b'odu te, i ki la j'omo tod uje, kpai adiko oloji kpai uwo, kpai ojo ki aña kpai

odo odo, 15 i ki j'omo k'i ch'emu agbagba efojale k'i m'ane ne ile-i. Abele i la de. 16 Abele Qjo f'emu ilile meji le che, emu e-ki tule ki n'oda oroka, emu e-ki nya ki n'oda odu; kpai ilawo ge. 17 Qjo la m'u kojo agbagba efojale k'i m'ane ne ile-i, 18 k'i ño n'oda oroka kpai odu, k'i la f'ugane daru b'echubi te: Qjo la li k'i nyo. 19 On ane domo, odudu la domo, ojo ekele.

20 Tak Qjo kakini, Ef omi ki ko ñw amonugo ewñ iñmi ke, amewe ki nawu ate ane-ile ef agbagba ki chechi te efojale. 21 Abele Qjo nyi amela lile ki j'ef omi, kpai onugo ewñ iñmi du ki achiche, e-ki cheko ef omi, uche uche-ma, kpai ewe du ki n'ika uche uche-wñ: Qjo la li k'i nyo. 22 Tak Qjo denyo ñw uma kakini, Ame ki rabi ku me wewe nyogba ku me cheko ef omi ohimini abadi, amewe ki nawewe nyogba ane-ile. 23 On ane domo, odudu la domo, ojo eketu.

24 Tak Qjo kakini, Ile ki nak'amonugo ewñ iñmi dufu uche uche-ma, amela aberemele kpai amewñ ki afa kpai amewñ iñmi ane-ile uche uche-ma. Abele i la de. 25 Tak Qjo che amewñ iñmi ane-ile-i uche uche-ma, kpai amela aberemele uche uche-ma, kpai amewñ du ki afa anepete uche uche-ma: Qjo la li k'i nyo.

26 Tak Qjo kakini, Awa ki che on<sup>1</sup> r'ojibo-wa, ku ma bi awa onugo: ama ki la n'oda amaja ki j'ef ohimini abadi, kpai amewe oja, kpai amela aberemele, kpai ane-ile du, kpai ewñ

<sup>1</sup> "one" alu Hibu ka k' "adem".

du ki afa, e-ki afa anę-ilę-i. 27 Abele Qjo f'one nyi ojibo-wń onugo, ęgo ojibo Qjo oń i ny'i; ęnekele kpai onobule oń i nyi ma. 28 Tak Qjo denyo ńw uma, Qjo la ka ńw uma kakini, Ame ki bi oma, ku me ki wewe nyogba ku me cheko anę-ilę-i ku me f'u dolo te; ame ki la n'oda amęja ef ohimini kpai amęwe ojale kpai amęwni ińmi du ki achiche anę-ilę-i. 29 Tak Qjo kakini, Go, omi m'ęńmi kwę kwę kwę du ki aro ulu-wń ko ńw umę, e-du ki b'ane-ilę ma, kpai oli du k'ęro-wń n'ęyo efu; e-le ach'ujęwni ńw amę. 30 Kpai amęwni ińmi anę-ilę okoke du, kpai amęwe ojale okoke du, kpai amęwni du ki afa anę-ilę-i; e-du k'onugo e-ińmi d'ęf uwń, ęwn ęńmi emimi kwę kwę kwę du ch'utodu ujęwni. Abele i la de. 31 Qjo la f'ęwn du k'i che li, me la go, i nyo tabale. Oń anę domo, odudu la domo, ojo ekefa.

**2** Abele efojale kpai anę-ilę f'oji ne kpa, kpai uwewe amęwni-ma du. 2 Oń ojo ekebie-wń ukolo k'Qjo che le takpa, tak ojo ekebie le i ńmi ukolo-wń du k'i che. 3 Tak Qjo denyo ńw ojo ekebie le i la ch'o k'i fo, todabu ki ch'ojo k'i ńmi ukolo-wń du e-k'Qjo nyi kpai e-k'i che.

#### *Adęm kpai If ef uchę Idęn*

4 Inabali efojale kpai anę-ilę-i ęgba ku ma nyi ma, ojo ki Jihofa Qjo che anę-ilę kpai efojale le de.

5 ęgbale ęwn emimi oko du d'ane-ilę-i ta n, ęwn ęńmi kwę kwę kwę oko du la tiga ta n— todabu ki Jihofa Qjo ma che k'omi ki lo b'ane-ilę ma ta n, ęne du la domo k'i aluchę anę n; 6 chai eli chi kwanę anę-ilę oń i chi omi b'ęju anę du ma— 7 taku Jihofa Qjo n'ebutu f'one bọ, oń i ńmińmi afu e-ińmi ny'ińmo-wń; oń one mud onugo one k'i n'ńmi. 8 Taku Jihofa Qjo f'ęwn gbe ef uchę Idęn, owo olodudu-wń; omo i la du one k'i bọ le te. 9 Jihofa Qjo la che k'oli du ki fę'ęju kpai e-ki nyo todu ujęwn k'i tiga kwef

anę, kpai oli e-ińmi alumeji uchę le ge, kpai oli uma-ęwn-ęnyo-kpai-ębięne.

10 Ohimini'ka la cha kwef Idęn ki ch'omi r'uchę le, akw'omo i la mukpe akanaba mele. 11 Odu e-ęjodudu ko Pison: owń ch'e-ki le anę Hafila du ugbo k'ojamalia de le daka; 12 ojamalia anę le la chenyo: omo okuta delium kpai oniks de. 13 Odu ohimini ekeji la ko Gihon: e-le ch'e-ki ale anę Kush du daka. 14 Odu ohimini ekeja la ko Hidekel: e-le ch'e-k'i acha l'owo olodudu Asiria le. Oń ohimini ekele che Yufretis.

15 Oń Jihofa Qjo m'one du, oń i m'u du tef uchę Idęn k'i l'o, k'i la nade. 16 Taku Jihofa Qjo tuko ńw one kakini, Ero oli du ef uchę-i eje oń e je hiaa: 17 ama ęro oli uma-ęwn-ęnyo-kpai-ębięne, uwe ki je e-le n: todu ojo k'e j'e-le eku oń e ku.

18 Taku Jihofa Qjo kakini, I nyo k'one kate k'i domo abele n: omi ache ęne ki ab'ọ che k'i ch'ojęgo-wń. 19 Jihofa Qjo la n'ikete bọ amęwni ińmi oko okoke du, kpai amęwe ojale okoke du; tak i m'u ko w'ugbo one k'i go alu k'i ad'odu ńw uma: oń ęwn du k'one d'odu onugo ęwni ińmi le okoke du ko, mak e-le ch'odu-wń. 20 Oń one m'odu du ńw amęla aberemęle du, kpai amęwe ojale, kpai amęwni ińmi oko okoke du; ma muda li ęne k'i ch'ojęgo one k'i ab'ọ che n. 21 Taku Jihofa Qjo je ńw olu lile m'one du, oń abu k'i alolu i m'ikeli-wń oka du, oń i m'orela du dabi boma koji: 22 tak ikeli ki Jihofa Qjo du kwef one i mudu che onobule, oń i m'owń du w'ugbo one. 23 Tak one kakini,

Ihii, fai tak e-kide ch'achiku ki kwef achiku e-mi kpai orela ki kwef orela-mi;

ma ad'odu-wń ko Onobule,  
todabu ku ma m'u du kwef One.

24 Todule ęnekele at'ata-wń kpai iye-wń no k'i la amany'oya-wń, oń ama amud orela okate. 25 Ama meji la

ya-wñ, ma 15 Nanyi ọla t'agbagba uwę kpai onobulę,

kpai agbagba ugbe-wę kpai ugbe-wñ;

i af'uwę oji gwenunu,

oñ uwę af'owñ agberę gwenunu.

16 Tak i ka ñw onobulę kakini,

Naję ñw ędọ ękpabię-wę ki nana nyogba ololo kpai efu-wę k'ę nyọ;

oma ebi-wę ach'ędọdudu ñw ę, uwę aņęju ọkọ-wę kpọọ,

owñ la an'oda uwę.

17 Tak i ka ñw onę kakini,

Todabu k'ę gba omu oya-wę gbọ,

k'ę la m'ero oli

k'omi tukọ ñw ę kakini,

Ę ki ję n d'u ję lę,

ama f'anępetę mu tod uwę mę;

uwę aję ęwñ kwefu-wñ kpai ędọdudu ọjọ du k'udeju-wę kade;

18 ikeke kpai edudu egbe oñ i adufu ñw ę gę;

uwę la aję eñmi oko kwę kwę kwę.

19 Ugu at'ę oji

tak ę j'ujewñ

gbogbo tak ę dabi tef anę,

todu efu-wñ oñ ma d'uwę kwo;

ebutu uwę che,

ę ñ'adabi tef ebutu gę.

20 Onę la d'odu oya-wñ kọ If'1 todabu k'owñ ch'ugugu iye ñw ęwñ du ki deju. 21 Taku Jihofa Ọjọ f'afę aņọ che tod onę kpai oya-wñ, oñ i m'u du t'ola-ma.

22 Taku Jihofa Ọjọ kakini, Go, onę dab awa mę, i chema ęnyọ kpai ębięnę; fai, todegbba k'i an'owọ-wñ dala k'i laņọ m'ero oli e-iñmi ka, k'i ję, k'i la adeju ogbegbele— 23 todulę Jihofa Ọjọ m'owñ du kwef uche Iden dufu, k'i naluchę anę e-ku ma d'owñ kwefu-wñ lę. 24 Abęlę i f'onę lę ne dufu; tak i k'amichęrub, kpai ọgọ una k'i dab ọkwọchageli k'i arida okokolo gugu ọwọ olodudu

<sup>1</sup> Alu Hibru dab Udeju alu Igala.

ñimi oko du

Oñ i ka ñw

hi, Ọjọ ka

che-i n? 2

kakini, Ęro

ero oli e-k'i

on uche-i u ęw, d'alumeji uche-i, Ọjọ kakini, Mę ki ję

e-lę n, mę ki la dọwọkad'o n, todegbba ku mę aku. 4 Ama ejo lę ka ñw

onobulę kakini, I ch'eku mę aku n. 5 Todu Ọjọ chema ka k'ọjọ ku mę ję

e-lę ęgbalę tak eju-mę anę, taku mę adab Ọjọ, mę ama ęnyọ kpai ębięnę.

6 Tak onobulę lę li ka k'oli lę chenyo tod ujewñ, k'i laņọ ch'utọ eju, k'oli

lę laņọ ch'ęwñ ki nyọ onę eju k'i aję ñw u n'ibe, i m'ero-wñ ka i la mudu

ję; i ñọ mudu ñw ọkọ-wñ kpai owñ, i laņọ ję gę. 7 Tak eju-ma meji munę,

oñ ma ma ka ku ma tago ofo; taku ma f'eñmi ọgbaikolo ga m'omunę oñ ma

m'u ko che ęwñ ulago ñw ọla-ma. 8 Taku ma gbọ abu ku Jihofa Ọjọ

alulę ef uche lę adiko ęgba k'afu afer' ọla, tak onę kpai oya-wñ m'ola-ma ko

maja b'ęju Jihofa Ọjọ tę ef uj'oli uche lę. 9 Taku Jihofa Ọjọ nomudala dọ

onę, i la ka ñw u kakini, Ugbo ę dę? 10 Oñ i kakini, U gb'iche-wę ef uche,

oñ u railo, todabu k'u tago ofo; tak u d'ola-mi maja-i. 11 Tak i kakini,

Ęnę ka ñw ę ka k'ę tago ofo? Uwę ję ęro oli e-k'omi tukọ ñw ę ka k'ę we

ęję lę? 12 Tak onę kakini, Onobulę k'ę duwa k'i d'ugbo mi, owñ m'ero oli

lę du ñw mi, oñ u m'u du ję. 13 Taku Jihofa Ọjọ ka ñw onobulę lę kakini,

Ęwñ ch'e-k'uwę che-i? Tak onobulę lę kakini, Ejo lę gba mi ibe, tak u ję.

14 Taku Jihofa Ọjọ ka ñw ejo kakini, Todabu k'uwę che-i,

uwę oñ ama amu t'amęwñqre,

kpai amęla oko du lę;

efu-wę oñ ę nę alulę,

ebutu ę ñ'aję

ọjọ du k'udeju-wę kade.

---

uche Idęn, ku ma de ọna oli e-iñmi  
lẹ.

The Bible in Igala

053

© B.F.B.S. 1970

BFBS-1970-10M ISBN 0 564 00622 X